

REGIONAL NEWS UNIT
ALL INDIA RADIO, AGARTALA
Date: 27-07-2024
Time: 07.20-07.25 AM Hrs
BENGALI MORNING BULLETIN

.....

PM, NITI AYOOG :

প্রধানমন্ত্রী নরেন্দ্র মোদি আজ নতুনদিল্লির রাষ্ট্রপতি ভবন সাংস্কৃতিক কেন্দ্রে NITI আয়োগের নবম পরিচালনা পরিষদের সভায় সভাপতিত্ব করবেন। এই বছরের সভার বিষয় হল ভারতকে একটি উন্নত জাতি হিসেবে গড়ে তোলার কেন্দ্রবিন্দুতে, ২০৪৭ সালের বিকশিত ভারত।

এদিকে, মুখ্যমন্ত্রী অধ্যাপক ডা: মানিক সাহা নীতি আয়োগের বৈঠকে যোগ দিতে গতকাল দিল্লি গেছেন।

Ashwini Vaishnaw :

তথ্য ও সম্প্রচার মন্ত্রী অশ্বিনী বৈষ্ণব বলেছেন যে প্রধানমন্ত্রী নরেন্দ্র মোদির নেতৃত্বে ভারত প্রতিরক্ষা ক্ষেত্রে স্বনির্ভর হয়ে উঠছে। তিনি বলেন, প্রতিরক্ষার প্রয়োজনের প্রায় ৭০ শতাংশই দেশে তৈরি হয়। নতুনদিল্লিতে সাংবাদিকদের শ্রী বৈষ্ণব বলেন, ভারত ৮০টি দেশে প্রায় ২৫ হাজার কোটি টাকার প্রতিরক্ষা সরঞ্জাম রপ্তানি করেছে। তিনি বলেন, গত দশ বছরে সরকার ভারতের প্রতিরক্ষা ক্ষেত্রে বিভিন্ন সংস্কার এনেছে।

কংগ্রেস আমলে সীমান্ত এলাকায় রাস্তা তৈরি না করার অভিযোগ করে তিনি বলেন, আজ সীমান্ত এলাকায় ছয় হাজার ৮০০

কিলোমিটারের বেশি রাস্তা তৈরি হয়েছে। শ্রী বৈষ্ণব কাৰ্গিল দিবস উপলক্ষে শহীদদের প্রতি শ্রদ্ধা জানান।

APJ Abdul Kalam :

আজ দেশের প্রাক্তন রাষ্ট্রপতি ভারতরত্ন এপিজে আব্দুল কালামের প্রয়াণ দিবস পালিত হবে রাজ্যেও। বিজেপি সংখ্যালঘু মোর্চার রাজ্য সভাপতি বিল্লাল মিয়া গতকাল আগরতলায় সাংবাদিক সম্মেলনে জানিয়েছেন, প্রয়াণ দিবস উপলক্ষ্যে রাজ্যের প্রতিটি জেলায় বৃক্ষরোপণ সহ অন্যান্য সামাজিক কর্মসূচিও পালন করা হবে। এই বিষয়ে প্রতিটি জেলা কমিটিকে প্রয়োজনীয় পদক্ষেপ গ্রহণ করার জন্য বলা হয়েছে।

Municipality vehicle :

আগরতলা পুর নিগমের মেয়র দীপক মজুমদার গতকাল শহরের বর্জ্য পদার্থ সংগ্রহ করার জন্য নতুন ৬০ টি গাড়ির আনুষ্ঠানিক উদ্বোধন করেছেন। বড়জলা টিআরটিসি গ্যারেজে গাড়িগুলির উদ্বোধন করে মেয়র শ্রী মজুমদার বলেন, বিজ্ঞানসম্মতভাবে আগরতলাকে সুন্দর পরিষ্কার পরিচ্ছন্ন হিসেবে গড়ে তোলা হবে। রাজ্য সরকার এবং আগরতলা পুর নিগম যৌথভাবে চাইছে আগরতলাবাসীদের সঠিকভাবে নাগরিক পরিষেবা দিতে। তিনি জানান, মোট ১৩কোটি টাকা ব্যয়ে এই গাড়িগুলি ক্রয় করা হয়েছে। তিনি বলেন এই গাড়িগুলির মাধ্যমে শহরের কঠিন বর্জ্য সংগ্রহের কাজটি খুব দ্রুত করা সম্ভব হবে অনুষ্ঠানে

উপস্থিত ছিলেন আগরতলা পুর নিগমের কমিশনার ডাঃ শৈলেশ কুমার যাদব সহ অন্যরা।

Blood donation by TSR :

রাজ্য পুলিশের মহানির্দেশক অমিতাভ রঞ্জন টিএসআরের প্রত্যেক ব্যাটেলিয়ানকে রক্তদানে এগিয়ে আসতে আহ্বান করলেন। গতকাল জিরানিয়ায় টিএসআরের দশম ব্যাটেলিয়ানের সদর দপ্তরে রক্তদান শিবিরের আয়োজন করা হয়। রক্তদান ছাড়াও এলাকায় গরিব পরিবারের ছাত্রছাত্রীদের স্কুল ব্যাগ, জলের বোতল দেওয়া হয়। এছাড়া সৈনিক সম্মেলনের আয়োজন হয়। উপস্থিত ছিলেন অতিরিক্ত পুলিশ মহানির্দেশক জিএসরাও, টিএসআরের আইজি কেরি মারাক, দশম ব্যাটেলিয়ানের কমান্ডেন্ট সঞ্জয় রায় ছাড়াও টিএসআর ব্যাটেলিয়ানের কমান্ডেন্টরা।

Panchayat-Candidate Breakup :

রাজ্যে ত্রিস্তর পঞ্চায়েতের মোট ৬৯০৯টি আসনের মধ্যে ২১০৩টি আসনের নির্বাচনে প্রতিদ্বন্দ্বিতা করবেন ৪৭৬১ জন প্রার্থী। এর মধ্যে গ্রাম পঞ্চায়েতের ১৮১৯টি আসনের নির্বাচনে প্রার্থী রয়েছেন ৪০৪১ জন। পঞ্চায়েত সমিতির ১৮৮টি আসনের নির্বাচনে মোট প্রার্থী ৪৫৮ জন। জিলা পরিষদের ৯৬টি আসনের নির্বাচনে মোট প্রার্থী ২৬২ জন। উল্লেখ্য, ত্রিস্তর পঞ্চায়েত নির্বাচনে মোট ৬৯০৯টি আসনের মধ্যে ৪ হাজার ৮০৬টি আসনে বিজেপি প্রার্থীরা ইতিমধ্যে বিনা প্রতিদ্বন্দ্বিতায় জয়লাভ করেছেন।

DM west meeting :

পশ্চিম জেলার জেলাশাসক ডা: বিশাল কুমারের নেতৃত্বে গতকাল মানসম্মত স্বাস্থ্য পরিষেবা নিয়ে এক বৈঠকের আয়োজন করা হয়। জেলা শাসক শ্রীকুমার জানান, প্রত্যেক নাগরিক যাতে স্বাস্থ্যসম্মত চিকিৎসা পরিষেবা পান তা নিয়ে বৈঠকে আলোচনা হয়েছে। বৈঠকে জেলার ডায়াগনোসিস সেন্টার, ওষুধ ব্যবসায়ীদের সংগঠনের প্রতিনিধি সহ অন্যরা উপস্থিত ছিলেন। চিকিৎসা বিধি গুলি কঠোরভাবে মেনে চলতে জেলা শাসক নির্দেশ দিয়েছেন।

Kargil vijay divas :

কার্গিল বিজয় দিবসে শহিদ জওয়ানদের শ্রদ্ধা জানাতে গতকাল উজ্জয়ন্ত রাজপ্রাসাদ পরিসরে এক অনুষ্ঠানের আয়োজন করা হয়। উপস্থিত ছিলেন উপজাতি কল্যাণমন্ত্রী বিকাশ দেববর্মা , বিধায়ক তথা আগরতলা পুর নিগমের মেয়র দীপক মজুমদার সহ অন্যরা। মন্ত্রী শ্রী দেববর্মা অনুষ্ঠানে আলোচনায় দেশের বীর সন্তানদের প্রতি শ্রদ্ধা জানিয়েছেন।

State level chess:

আজ থেকে শুরু হবে দুদিন ব্যাপী রাজ্য অনূর্ধ্ব ১১ দাবা প্রতিযোগিতা । ধর্মনগরের বিবেকানন্দ শতবার্ষিকী ভবনে হবে আসর। মোট ৬ রাউন্ডের হবে প্রতিযোগিতা। আজ প্রথম দিনে হবে ৪ রাউন্ডের খেলা। আসরের উদ্বোধন করবেন বিধানসভার স্পিকার বিশ্ববন্ধু সেন। এছাড়া উপস্থিত থাকবেন ত্রিপুরা প্রদেশ স্টেট স্পোর্টস সেলের সদস্য শংকর বসু, সমাজসেবী শ্যামল

কান্তি নাথ, রাজ্য দাবা সংস্থার সচিব প্রদীপ রায় প্রমূখ। উদ্যোক্তা কমিটির সচিব পঙ্কজ দেবনাথ জানান, ২০০৩ সালের পর এবারই প্রথম উত্তর জেলার ধর্মনগরে অনুষ্ঠিত হতে চলেছে রাজ্য দাবা প্রতিযোগিতা। ওই সময় হয়েছিলো রাজ্য সিনিয়র দাবা প্রতিযোগিতা।

Second division football :

রাজ্য ফুটবল সংস্থা আয়োজিত দ্বিতীয় ডিভিশন ফুটবল লীগে আজ স্কাইলারক ক্লাবের মুখোমুখি হবে মৌচাক ক্লাব। উমাকান্ত মিনি স্টেডিয়ামে ম্যাচটি হবে। আসরের প্রথম দুই ম্যাচে জয় পেয়েছিল স্কাইলারক ক্লাব। এদিকে, মৌচাক ক্লাবের কোচ রাজু লামা গতকাল জানান, আমাদের ছেলেরা আসরের প্রথম জয়ের জন্য মুখিয়ে আছেন।

Weather ..

আজ দুপুর পর্যন্ত আবহাওয়ার পূর্বাভাসে জানানো হয়েছে, আকাশ সাধারণত মেঘলা থাকবে। বজ্র বিদ্যুৎসহ দু এক পশলা বৃষ্টির সম্ভাবনা রয়েছে । আগরতলায় আজ সকালে সর্বনিম্ন তাপমাত্রা ছিল ২৮ ডিগ্রি সেলসিয়াস। দিনের সর্বোচ্চ তাপমাত্রা থাকতে পারে ৩৭ ডিগ্রির কাছাকাছি।
